

**ՍՈՑԻԱԼ-ԴԵՄՈԿՐԱՏԱԿԱՆ, ԼԵՆԻՆՅԱՆ ԻՍԿՐԱՅԱԿԱՆ
ԿԱԶՄԱԿԵՐՊՈՒԹՅՈՒՆՆԵՐԻ ԶԵՎԱՎՈՐՈՒՄԸ ԵՎ ՀԵՂԱՓՈԽԱԿԱՆ
ՇԱՐԺՈՒՄՆԵՐՆ ԱՆԴԻԿՈՎԿԱՍՈՒՄ ՈՒ ՀԱՅԱՍՏԱՆՈՒՄ**

**1. ՄԱՐԲՄԻԶՄԻ ԶԱՐԳԱՑՄԱՆ ԼԵՆԻՆՅԱՆ ՓՈԽԻ ՍԿԻԶՐԸ: ԼԵՆԻՆՅԱՆ
ԻՍԿՐԱՅԱԿԱՆ ԿԱԶՄԱԿԵՐՊՈՒԹՅՈՒՆՆԵՐՆ ԱՆԴԻԿՈՎԿԱՍՈՒՄ
ՈՒ ՀԱՅԱՍՏԱՆՈՒՄ**


1893 թ. աշնանը Վ. Ի. Լենինը փոխադրվում է Պետերբուրգ: Այստեղ, պրոլետարական կենտրոնում, Վ. Ի. Լենինի զխաղորությամբ բեղմնավոր գործունեություն են ծավալում մարքսիստական խմբակները, որոնք հետագայում միավորվեցին մեկ միասնական սոցիալ-դեմոկրատական անլեզալ կազմակերպության մեջ և 1895 թ. վերջին ստացան «Բանվոր դասակարգի ազատագրության պայքարի միություն» անունը: Ռուսական սոցիալ-դեմոկրատիան թևակոխեց իր պատմության նոր փուլը: «Պայքարի միությունը» պրոլետարիատի դասակարգային պայքարը ղեկավարող կուսակցության առաջին սաղմն էր: Վ. Ի. Լենինի հիմնադրած Պետերբուրգի «Բանվոր դասակարգի ազատագրության պայքարի միության» և ապա լենինյան «Իսկրայի» միջոցով մարքսիստական շարժումը տարածվեց ամբողջ Ռուսաստանում և նրա ծայրամասերում: Բանվորական շարժումը միացավ սոցիալիզմին և դարձավ անպարտելի ուժ: Վ. Ի. Լենինի ծավալած քաղաքական-տեսական տիտանական գործունեությունը, համարձակորեն առաջ քաշած գաղափարներն ու կանխատեսումները, մարքսիզմը Ռուսաստանում տարածելն ու ստեղծագործաբար կիրառելը, Ռուսաստանի հեղափոխական շարժման հարուստ փորձի գիտական ընդհանրացումները նշանավորեցին մաքսիզմի զարգացման եւրոպեական սկիզբը:

Ռուսաստանում մարքսիստական միասնական կուսակցությունը ստեղծելու համար անհրաժեշտ էր ջանքախնել բանվորական շարժման քաղաքական խրեդիները մերժող «էկոնոմիստներին», սոցիալ-դեմոկրատական կազմակերպություններն ազատել նրանց ազդեցությունից, սահմանազատվել օպորտունիստներից: Միավորվելուց առաջ և միավորվելու համար հարկավոր էր սկզբից ևեթ վճռականորեն և որոշակի կերպով սահմանազատվել:

Վ. Ի. Լենինը կոմունիստական կուսակցության կառուցման ելակետը համարում էր համառուսական քաղաքական թերթի հիմնումը: Այդպիսի թերթը լենինյան «Իսկրան» էր, որի առաջին համարը լույս տեսավ 1900 թ. դեկտեմ-



Վ. Ի. ԱՆԻՆ



բերի 24-ին (11-ին), Հայպիգոմ¹ «Կալծից բոց կրոնկի» բնաբանով՝ Վ. Ի. Լենինը «Թևկրայի» առաջին համարի «Մեր շարժման կենսական խնդիրները» առաջնորդող հոդվածով լուսավորեց պրոլետարիատի ազատագրական պայքարի ուղին, ցույց տվեց, որ ռուսական սոցիալ-դեմոկրատիայի մերձավորագույն քաղաքական խնդիրն է՝ ինքնակալության տապալումը, քաղաքական ազատության նվաճումը։ «Սոցիալ-դեմոկրատիան,— գրել է Վ. Ի. Լենինը,— բանվորական շարժման միացումն է սոցիալիզմի հետ»²։ Նրա խնդիրն է՝ լիովին ծառայել պրոլետարիատի շահերին, ցույց տալ նրա ինքնուրույնությունը, հավատարիմ մնալ «Բանվորների ազատագրումը բանվորների իսկ գործը պետք է լինի»³ մեծ ավանդին։ «Թևկրան», որ նախապատրաստեց ՌՄԴԲԿ II համագումարը, կուսակցության ծրագիրը և այլ փաստաթղթեր, կոլեկտիվ պրոպագանդիստի, կոլեկտիվ ագիտատորի և կազմակերպչի դեր կատարեց։

Անգրկովկասի հեղափոխական շարժումները, սոցիալ-դեմոկրատական կազմակերպությունների ձևավորումն ու զբոժոնեությունն առաջին իսկ օրից սերտորեն կապված են Վ. Ի. Լենինի անվան հետ։ Վ. Ի. Լենինի և նրա հավատարիմ աշակերտների՝ լենինյան իսկրայականների, պրոֆեսիոնալ հեղափոխականների միջոցով են ստեղծվել, աճել և ամրապնդվել երկրամասի, այդ թվում՝ հայ իրականության, մարքսիստական, բոլշևիկյան կազմակերպությունները։ Վ. Ի. Լենինը, տակավին 1893 թ. հայ ժողովրդի լավագույն զավակներից մեկի՝ Իսահակ Լալայանցի հետ միասին Սամարայի մարքսիստական խմբակում ուսումնասիրում և բննարկում էր «Կապիտալ», «Անտի-Դյուրինգ», «Բանվոր դասակարգի դրությունը Անգլիայում» և այլ աշխատություններ։ Ի. Լալայանցը և խմբակի մյուս անդամները Վ. Ի. Լենինի զլխավորությամբ մեծ եռանդով պրոպագանդում էին մարքսիզմը։ Իր համախոհների շրջանում Վ. Ի. Լենինը արտակարգ հեղինակություն էր վայելում։ «Այդ 23-ամյա մարդու մեջ,— հետագայում վերհիշում էր Ի. Լալայանցը,— ամենազարմանալի կերպով զուգակցում էին, մի կողմից պարզությունը, նրբազգացությունը, կենսուրախությունն ու կրթությունը և մյուս կողմից՝ մեծալրջությունը, գիտելիքների խորությունը, դատողությունը և սահմանումների պարզորոշությունն ու հստակությունը»⁴։ Պետերբուրգի «Պայքարի միություն» հայ գործիչները (Բ. Կոնյանց, Ա. Զուրաբյան, Հ. Մելիք-Հովսեփյան, Ս. Ավետիսյան) հայ իրականության մեջ ևս առաջիններից էին, որոնց բախտ վիճակվեց զինվորագրվելու Վ. Ի. Լենինի բանակին։

Քաղաքական պայքարի հորիզոնում փայլատակում է հավատարիմ լենինյան Ստեփան Ծահումյանի անունը։ 1899 թ. Ծահումյանի ղեկավարությամբ Հայաստանի տարածքում առաջին անգամ՝ Զալալօղլիում (Ստեփանավան), կազմակերպվում է մարքսիստական խմբակ, որի կազմում էին Աշոտ և Անուշավան Թումանյանները, Սերգո Խարայելյանը, Միշա Անանյանը, Գերասիմ Մելիք-Գրիգորյանը, Արտուշ Հարությունյանը, Սեդրակ Հարությունյանը, Նիկողայ Դադիվանյանը և ուրիշներ։ Ծահումյանը խմբակի անդամներին ծանոթացնում

1 Վ. Ի. Լենին, ԵԺԺ, հ. 4, էջ 469

2 4. Մարքսի գրած «Բանվորների միջազգային ընկերության ընդհանուր կանոնադրության» (Առաջին ինտերնացիոնալի) դրույթը։ Տե՛ս Կ. Մարքս և Ֆ. Էնգելս, Երկեր, հ. 13, մասն 2, 1940, էջ 684։

3 «Հիշողություններ Վ. Ի. Լենինի մասին», Երևան, 1957, մասն 1, էջ 135։

էր Կ. Մարքսի «Կապիտալին», բացատրում գիտական սոցիալիզմի էությունը։ Նրանք ձեռք էին բերել հեկտոգրաֆ և բազմացնում էին թուցիկներ, կոշեր, պրոպագանդիստական աշխատանք էին կատարում խոռու աշխատավորության շրջանում։ «Ստեփանը,— գրել է Անուշավան Թումանյանը,— կարողանում էր գունեղ դարձնել իր պատմածը։ Նա, դեռևս բոլորովին երիտասարդ, շատ շնորհալի հոնտոր էր և շափազանց համոզիչ խոսք ունեւր»⁴։ Զալալօղլու մարքսիս-



Ի. Լաչյանց

տական խմբակը Հայաստանի բուշեկյան կազմակերպությունների սաղմը հանդիսացավ։

1900 թ. ՌՍԴԲԿ Թիֆլիսի կոմիտեի անդամ Լ. Կեցխովլին փոխադրվում է Բաքու՝ կուսակցական անլեզալ աշխատանքի։ Այդ ժամանակ Վ. Ի. Լենինի ցուցումներով Բաքվի սոցիալ-դեմոկրատական խմբակները ձիավորվում են, ստեղծում միասնական ղեկավար-կենտրոն, որով և հիմք է դրվում ՌՍԴԲԿ Բաքվի կոմիտեին։ Կոմիտեի կազմում ընտրվում են հավատարիմ իսկրայականներ Լ. Կեցխովլին, Բ. Կոունյանցը, Մելիք Մելիքյանը, Ի. Ֆիդլեստովը և ուրիշներ։ Բաքվի իսկրայականները սխտենատիկ կապ էին պահպանում Վ. Ի. Լենինի հետ։ Նրանք ստեղծեցին Բաքվի «Նինա» ընդհատակյա տպարանը, որը ռուսական առաջին հեղափոխության նախօրյակին մեծ դեր խաղաց երկրամասում մարքսիստական գրականության հրատարակման, «Իսկրայի» առանձին համարները

բազմացնելու գործում։ Այստեղ էին տպագրվում նաև Վ. Ի. Լենինի աշխատությունները, հայերեն «Պրոլետարիատի կռիվը», վրացերեն «Բրձոլա» («Պայքար») թերթերը և այլ գրականություն։

ՌՍԴԲԿ Թիֆլիսի, Բաքվի, Բաթումի կոմիտեների ստեղծումով Հայաստանում լենինյան զաղափարների տարածումը նկատելի թափ ստացավ։ Նրանց օգնությամբ 1901—1903 թթ. մարքսիստական խմբակներ, լենինյան իսկրայական կազմակերպություններ են ստեղծվում Ալավերդում, Հաղպատում, Երեվանում, Սանահին, Ուլուխանլու կայարաններում, Ալեքսանդրապոլի կայազորում և Հայաստանում գտնվող այլ զորամասերում։

Հայաստանում լենինյան-իսկրայական առաջին կազմակերպություններից մեկը հիմնադրվեց 1901 թ. երկաթուղու Ուլուխանլու—Երեան տեղամասում։ Նրա անդամները հիմնականում երկաթուղայիններ էին, որոնք կապված էին

⁴ «Էին բուշեկիկների հիշողություններ», գիրք տառչին, Երևան 1958, էջ 39.

Անդրկովկասի երկաթուղու գլխավոր արհեստանոցների և Թիֆլիսի դեպոյի առաջավոր բանվորների, ՌՄԴԲԿ Թիֆլիսի կոմիտեի հետ: 1901 թ. վերջին սոցիալ-դեմոկրատական, լենինյան-խակրայական խմբակ է ստեղծվում Երևանում: Հետագայում սոցիալ-դեմոկրատական կազմակերպություններ ստեղծվեցին քաղաքի արական գիմնազիայի և թեմական դպրոցի սովորողների, իգական գիմնազիայի ուսուցիչների շրջանում, փոստ-հեռագրական գրասենյակում: Երևանի սոցիալ-դեմոկրատական կազմակերպությունները կապված էին Բաքվի և Թիֆլիսի խակրայական կոմիտեների հետ, նրանց զրեթե բոլոր անդամները կանգնեցին «Իսկրայի» դիրքերում: Երևանի սոցիալ-դեմոկրատները լենինյան «Իսկրան» և նրա հրատարակությունները ստանում էին ոչ միայն Ռուսաստանի քաղաքներից, Բաքվի «Նինա» տպարանից, այլև անմիջականորեն արտասահմանից: Միայն 1903 թ. փետրվար-մայիս ամիսներին Ավստրիայի վրայով Երևան են ուղարկվել «Իսկրայի» 28—37 համարները, ըստ որում յուրաքանչյուր համարից մի քանի օրինակ: Այս տեղեկությունները վերաբերում են «Իսկրայի» միայն այն համարներին, որոնք հայտնաբերվել ու գրավվել են իշխանությունների կողմից: Երևանի նահանգային ժանդարմական վարչության պետն այդ օրերին հաղորդում էր Թիֆլիս՝ թե Երևանի նահանգի և Կարսի մարզի բնակչության մեջ «...Հաճախակի են երևան գալիս սոցիալ-դեմոկրատական և հեղափոխական գաղափարներ պարունակող թերթեր և բրոշյուրներ»⁵:



Վ. Կեցխովի (Վազ)

Ալեքսանդրապոլում 1901—1902 թթ. կազմակերպված խմբակների անդամները մեծ մասամբ երկաթուղայիններ էին: Մի կողմից՝ քաղաքի պրոլետարական կորիզը, մյուս կողմից՝ այնտեղ արտաքսված հեղափոխականները, որոնք գտնվում էին հիմնականում կայազորում, տարածում են մարքսիզմի գաղափարները, միավորվում սոցիալ-դեմոկրատական խմբակներում: Բացի քաղաքում ստեղծված խմբակից, կար նաև երկաթուղայինների խմբակ, 1902 թ. կազմակերպվում է կայազորի սոցիալ-դեմոկրատական խմբակը, որն իրեն անվանում էր «Սոցիալ-դեմոկրատական խմբի Ալեքսանդրապոլի բաժանմունք»: Վերջինս ուներ գաղտնի գրադարան, որը գրքեր էր ստանում ՌՄԴԲԿ Թիֆլիսի և այլ կոմիտեներից, խմբակի անդամները հեղափոխական աշխա-

⁵ ՄԼԻ-ի հայկական մասնաճյուղի արխիվ, ֆ. 25, ց. 20, գ. 34403:

տանք և քաղաքական ագիտացիա էին մղում զինվորների և կրտսեր հրամանատարների շրջանում⁶։

Ռուսաստանի և Եվրոպայի քաղաքների բարձրագույն դպրոցներում սովորող հայ ուսանողներից ստեղծված մարքսիստական խմբակները, մեծ մասամբ գործելով հայրենակցական միությունների շրջանակներում, ձգտում էին երիտասարդությանն ազատել բուրժուական կուսակցությունների ազդեցությունից, նրանց շահերը նպատակամղել ինտերնացիոնալիզմի գաղափարների պրոպագանդանը, պրոլետարիատի ազատագրական պայքարի կազմակերպմանը։ Կիևում գործող հայ ուսանողների մարքսիստական խմբակը, որի կազմում էին Լյուդվիգ Կնոնյանցը, Ալեքսանդր Բեգլադյանը և Լևոն Ավետիսյանը, 1901—1902 թթ. կապված էր ոչ միայն Ուկրաինայի, այլև Անդրկովկասի բանվորական շարժումների հետ։ Կիևի հայ սոցիալ-դեմոկրատ ուսանողների խմբակի անդամների մի մասը արտաքսվելով Կովկաս, շարունակում է հեղափոխական աշխատանքը բանվորների մեջ, 1902 թ. հոկտեմբերի 25-ին նրանք հրատարակեցին ծրագրային մի փաստաթուղթ՝ ղեկավարացիա, որի մեջ ցույց էր տրված Կովկասի սոցիալիստական շարժման առաջին հաջողությունները և ընդգծված էր պրոլետարիատի ավանգարդային դերը հեղափոխության մեջ։ Հայ պրոլետարիատի գործունեության մասին ղեկավարացիայում ասված էր, թե նա ևս դուրս է եկել հեղափոխական պայքարի ճանապարհը և հանդիս է գալիս «գորշակակրի դերում»՝ ձեռք-ձեռքի տված ուս, վրացի և հրեա պրոլետարիատի հետ⁷։

Խարկովում 1899—1900 թթ. իրենց հեղափոխական գործունեությամբ աչքի էին ընկնում Արշավիր Մելիքյանը և Հակոբ Զարգարյանը, 1899 թ. Խարկովի ուսանողական ցույցերին ակտիվորեն մասնակցելու համար Հակոբ Զարգարյանը հեռացվում է տեխնոլոգիական ինստիտուտի 5-րդ կուրսից, ձերբակալվում և ուղարկվում Մետեխի բանտը⁸։ ՌՄԴԿ անդամ Արշավիր Մելիքյանը 1902 թ. մասնակցում է առաջավոր ուսանողների համառուսաստանյան համագումարին, ինչպես նաև Խարկովի ուսանողական ցույցերին, որի համար հեռացվում է ինստիտուտից։ Կովկաս վերադառնալով, նա 1903 թ. մեկնում է Շվեյցարիա և շարունակում ուսումը։ Այստեղ նա հանդիպումներ է ունենում Վ. Ի. Լենինի հետ և ընդմիջտ դառնում նրա զինակիցը⁹։

1902 թ. Կիևի հայ ուսանող սոցիալ-դեմոկրատները միավորվում են լեհ-նիեյան «Իսկրայի» դիրքերում կանգնած հայ ուսանողական մի այլ կազմակերպության՝ «Պրոլետարիատի» հետ, որի խնդիրն էր հայ իրականության մեջ տարածել սոցիալիստական գաղափարներ, Կովկասի պրոլետարիատին առաջնորդել քաղաքական պայքարի, այնպես անել, որպեսզի «մեր ժողովուրդն էլ պատրաստ լինի մեծ հեղափոխությանը»¹⁰։

6 ՏՏ՝ ՍՍՀ ԿԳՊԱ, ֆ. 23, դ. 19, թ. 12—13։ Մ. Աղայան, Հայաստանը 1905—1907 թթ. սոցիալիստիկ տարիներին, «Ռեվոլյուցիոն շարժումները Հայաստանում ուսական առաջին օն-ժոյուցիայի տարիներին (հոգիմանների ժողովածու)», Երևան, 1955, էջ 42—43, Մ. Աղայան, Ռեվոլյուցիոն շարժումները Հայաստանում 1905—1907 թթ., Երևան, 1955։

7 Խ. Բաբուջյան, Մարքսիզմի տարածումը Հայաստանում, զիբր առաջին, Երևան, 1967, էջ 288։

8 ՏՏ՝ ՄԼԻ-ի վրացական մասնաճյուղի արխիվ, ֆ. 31, դ. 23 թ. 32։

9 ՏՏ՝ Մ. Պ. Աղայան, Արշավիր Մելիքյան, Երևան, 1969։

10 Խ. Բաբուջյան, Մարքսիզմի տարածումը Հայաստանում, զիբր առաջին, էջ 289։

1901—1902 թթ. սոցիալ-դեմոկրատական խմբակներ են ստեղծվում Բաքվի, Թիֆլիսի և Կովկասի այլ քաղաքների սովորող երիտասարդների շրջանում: Բաքվի աշակերտական խմբակների ակտիվ հեղափոխական Փառոտ Կնունյանցը 1902 թ. գործուղվում է Թիֆլիս, Ա. Զուրաբյանի և Ն. Աղաջանյանի (Ալաշխովա) օգնությամբ աշխատանք տանում երկրամասի հեղափոխական հայ ուսանող երիտասարդության միասնական կենտրոն ստեղծելու ուղղությամբ: Վերջինիս մեջ մտնում էին Փ. Կնունյանցը, Տ. Տրդատյանը, Տ. Կնունյանցը, Մելիք Բաղդասարյանը և ուրիշներ¹¹:

Մարքսիզմի զարգացման լենինյան փուլը հայ իրականության մեջ նշանավորվեց հասարակական կյանքի ու մտքի զարգացման մեծ շրջադարձով: Հեղափոխական պայքարի հորձանուտը նետվեցին Բոգդան Կնունյանցը, Ստեփան Շահումյանը, Սուրեն Սպանդարյանը և ուրիշ հայ մարքսիստներ, որոնք հաստատ կանգնեցին համառուական պրոլետարիատի հեղափոխական ինտերնացիոնալ պայքարի ուղու վրա, իրենց կյանքը նվիրեցին բանվոր դասակարգի ազատագրության մեծ գործին:

Լենինյան կուսակցության ակտիվ գործիչ Բ. Կնունյանցը¹² Ռուսաստանի առաջին կրթված մարքսիստներից էր, մարքսիզմի զարգացման նոր՝ լենինյան փուլի սկզբնական շրջանի ականավոր ներկայացուցիչներից մեկը, «նա դեռ 20 տարեկան էլ չկար, երբ հարեց մեր կուսակցությանը,— գրել է Ստ. Շահումյանը,— և այդ ժամանակվանից էլ նրա ամենահավատարիմ ու ամենատաղ-նիկ անդամներից մեկն էր: Նա չէր ապրում, այլ վառվում էր, իր գեղեցիկ կյանքի այդ տասը տարիների ընթացքում, որ նա ամբողջությամբ, առանց մնացորդի, նվիրեց սոցիալիզմի ու դեմոկրատիայի համար մղվող պայքարին»¹³:

Կնունյանցն ակտիվ մասնակցություն է ունեցել ՌՍԴԲԿ Բաքվի կոմիտեի հիմնադրմանը, հայ իրականության մեջ մարքսիզմի գաղափարների տարածմանը: Մեծ են նրա ծառայությունները ՌՍԴԲԿ կովկասյան կազմակերպությունների ստեղծման, կուսակցության II համագումարի նախապատրաստման և անցկացման գործում:

Ստ. Շահումյանը պատկանում է պրոֆեսիոնալ հեղափոխականների լենինյան հին գվարդիային, Ռուսաստանի բանվորական շարժման այն առաջնորդների համաստեղությունը, որոնց մասին Վ. Ի. Լենինն ասել է. «Առանց «մի տասնյակ» տաղանդավոր (իսկ տաղանդները հարյուրներով չեն ծնվում), փորձված, պրոֆեսիոնալ կերպով պատրաստված և երկարատև դպրոցում սովորած առաջնորդների, հիանալի կերպով միմյանց համամիտ առաջնորդների, անհնարին է ժամանակակից հասարակության մեջ որևէ դասակարգի տոկոս պայքարը»¹⁴, Ստ. Շահումյանը կոմունիստական կուսակցության և սովետական պետության ականավոր գործիչներից էր, խոշոր տեսաբան, «թերեխների» կան մարքսիզմի ծանր հրետանին»¹⁵, Նա Վ. Ի. Լենինի մյուս հավատարիմ աշակերտների հետ միասին, գլխավորել է Անդրկովկասի աշխատավոր մասսաների

11 Տե՛ս ՄԼԻ-ի վրացական մասնաճյուղի արխիվ, ֆ. 93, ց. 2, գ. 760, թ. 1—10:

12 Տե՛ս 2. Խենիկյան, Բոգդան Կնունյանց, Երևան, 1957:

13 Ստ. Շահումյան, Երկեր, հ. 2, 1976, էջ 210:

14 Վ. Ի. Լենին, ԵԺ, հ. 6, էջ 153:

15 Գ. Կ. Օրջոնիկիձե, Ընտիր Տոգլաժներ և ճառեր, Երևան 1954 թ. էջ 98:

հեղափոխական պայքարը, կռիւ ու կռիւն երկրամասի բոլշևիկյան կազմակերպութիւնները¹⁶։

Տակալին 1898 թ. Շահումյանը կապւում է Թիֆլիս աքսորված և այնտեղ ապրող ուսական մարքսիստների հետ, ուսումնասիրում Կ. Մարքսի, Ֆ. էնգելսի, Վ. Ի. Լենինի երկերը, ռուս հեղափոխական ղեմկրատների աշխատութիւնները, զինվորագրւում լենինիզմին։

Սովորելով Ռիգայի պոլիտեխնիկական ինստիտուտում, Շահումյանը ակտիվորեն ներգրավւում է հեղափոխական պայքարի մեջ։ Ռիգայի պոլիտեխնիկական և այլ բարձրագույն ուսումնական հաստատութիւններում սովորող հայ ուսանողների «Սեան» հայրենակցական միութեան մեջ մինչև 1901 թ. իշխում էին ազգայնական տրամադրութիւնները։ 1901 թ. պոլիտեխնիկումում Ստ. Շահումյանը հիմնադրում է մարքսիստական «Թեորետիկ» խմբակը, որի կազմում էին Ազարիա Աղեւյանը (Դանիելյանը), Գարեգին Ղազարյանը, Նիկոլայ Աթաբեկյանը, Նիկողայոս Փիրումյանը և ուրիշներ։ Կարճ ժամանակում խմբակն իր ազդեցութիւնը տարածեց Ռիգայի հայ ուսանողութեան վրա, լուրջ հարված հասցրեց «Սեան» միութեան ազգայնական դիրքերին։ «Ոչ միայն հայ,— գրել է Ն. Փիրումյանը,— այլև մյուս ազգութիւններին պատկանող ուսանողների շրջանում տարվող մարքսիստական աշխատանքի հոգին Ստեփան Շահումյանն էր»¹⁷։

Ստ. Շահումյանն ակտիվ մասնակցութիւն է ունեցել Ռուսաստանի հեղափոխական ուսանողների 1901—1902 թթ. շարժումներին ու համագումարներին։ 1902 թ. փետրվարին նա, որպես Ռիգայի ուսանողութեան պատգամավոր, մասնակցում է Ռիգայում գումարված Ռուսանողութեան համագումարական առաջին համագումարին, ուր հանդես է գալիս փայլուն ճառով և հայտարարում, թե անիրագործելի են այն բոլոր վառ ձգտումներն ու համալսարանական ազատութիւնները «...մինչև որ լիբերալիզմի քաղաքական գլխավոր խոչընդոտը, այն է՝ ցարիզմը»¹⁸։ Համագումարից հետո, փետրվարի 11-ին մի քանի ուսանողների հետ միասին գլխավորում է Ռիգայի պոլիտեխնիկական ինստիտուտում բռնկված ուսանողական խռոշոր դասագոյլը, որի պատճառով էլ նրան և «Թեորետիկ» խմբի շատ անդամների հեռացում են ինստիտուտից և վարչական կարգով արտաքսում Թիֆլիս։ Այստեղ նա անմիջապես ներգրավւում է Անդրկովկասի լենինյան-խեղրայական սոցիալ-դեմոկրատական կազմակերպութիւնների գործունեութեան մեջ, դառնում նրա աչքի ընկնող ղեկավարներից մեկը։

Ականավոր հեղափոխական Սուրեն Սպանդարյանը (Տիմոֆեյ) մասսաների տաղանդավոր կազմակերպիչ էր, մարքսիզմի նշանավոր պրոպագանդիստ, փայլուն լրագրող-հրապարակախոս։ Նա աչքի էր ընկնում իր նվիրվածութեամբ, սկզբունքայնութեամբ, մարքսիստական մտքի պայծառութեամբ։ 1901 թ. Ս. Սպանդարյանը մտնում է ՌՄԴԲԿ շարքերը, դառնում Թիֆլիսի լենինյան, իսկրայական, կոմիտեի ակտիվ գործիչներից մեկը¹⁹։ 1902 թ. ավար-

16 Տե՛ս Խ. Բաբսեղյան, Ստեփան Շահումյան, Երևան, 1968։

17 Մի-ի հայկական մասնաճյուղի արխիվ ֆ. 7։ (Ն. Փիրումյանի հուշերը)։

18 Ար. Մե-ն [Ա. Մեխիյան]։ Բեկումն հայ հասարակական կյանքի ու մտքի զարգացման մեջ, «Նոր աշխարհ», 1922, № 2, էջ 46—49։

19 Տե՛ս Վ. Ավետիսյան, Սուրեն Սպանդարյան, Երևան, 1957։

տելով զիմնագիտան, քսանամյա Սուրենը մեկնում է Մոսկվա՝ ուսումը շարունակելու: Այստեղ նա սերտ կապեր է հաստատում սոցիալ-դեմոկրատական գաղտնի խմբակների հետ, ուսումնասիրում Կ. Մարքսի, Ֆ. էնգելսի, Վ. Ի. Լենինի աշխատությունները, դառնում լենինյան-խակրայական:

1902 թ. ամռանը Ստ. Շահումյանի, Բ. Կոռնյանցի և Ա. Զուրաբյանի նախաձեռնությամբ ձևավորվում է լենինյան իսկրայական ուղղության «Հայ սոցիալ-դեմոկրատների միությունը»: Միության մեջ մտնում էին նաև Մելիք Մելիքյանը, Աշոտ Խումարյանը, Սերգո Խանոյանը, Ռուբեն Դաշտոյանը, Դանուշ Շահվերդյանը, Արամայիս Երզնկյանը և ուրիշներ: Նրանք հայ պրոլետարիատի շարքերում մայրենի լեզվով տարածում էին մարքսիստական-լենինյան գաղափարները, լուսավորում աշխատավորների ազատագրական պայքարի ուղին: «Հայ սոցիալ-դեմոկրատների միությունը» սերտորեն համագործակցում էր ՌՍԴԲԿ Թիֆլիսի կոմիտեի հետ, իսկ 1902 թ. վերջերին այն կազմակերպորեն ձուլվում է նրա մեջ: Միությունն իր կազմակերպական սկզբունքներով և գործունեությամբ հենվում էր պրոլետարական ինտերնացիոնալիզմի վրա և պրոպագանդում Ռուսաստանի բազմազգ պրոլետարիատի գաղափարական, քաղաքական և կազմակերպական միասնության անհրաժեշտությունը:

«Հայ սոցիալ-դեմոկրատների միությունը» ՌՍԴԲԿ Թիֆլիսի կոմիտեի հետ միասին 1902 թ. երկրորդ կեսին հաջողությամբ զխավորեց Թիֆլիսի բանվորների քաղաքական ելույթները, Բանվորները տներին առաջադրեցին տնտեսական մի շարք պահանջներ: Քսան օր շարունակվող գործադուլի ընթացքում հայ, վրացի և ալլազդի բանվորները ցուցաբերեցին միասնություն և համերաշխություն: Ի վերջո տները տեղի տվեցին, Դերձակների գործադուլը զեկավարում էին ՌՍԴԲԿ Թիֆլիսի կոմիտեն և նրա մեջ ավելի ուշ մտած հայ սոցիալ-դեմոկրատների խումբը²⁰:

«Հայ սոցիալ-դեմոկրատների միության» գործունեության մեջ կարևոր տեղ է զբաղում ընդհանրակա կուսակցական տպարանի ստեղծումը, հեղափոխական կոչերի, թուղցիկների տարածումը և, ամենակարևորը՝ լենինյան-իսկրայական ուղղության առաջին հալերեն թերթի՝ «Պրոլետարիատի» և նրա թերթիկների հրատարակումը:

«Պրոլետարիատը» պատմական ասպարեզ իջավ 1902 թ. հոկտեմբերին, լենինյան «Իսկրայի» գործունեության ժամանակաշրջանում և դարձավ նրա զինակիցն ու գաղափարների ակտիվ տարածողներից մեկը: «Պրոլետարիատը», որ լույս է տեսել մեկ համար՝ 240 օրինակով, իր ճակատին կրում էր «Պրոլետարներ բոլոր երկրների, միացե՛ք» մարտական կոչը և «Ռուսաստանի սոցիալ-դեմոկրատական բանվորական կուսակցություն» խոսքերը: «Իսկրայի» օրինակով «Պրոլետարիատը» պայքարում էր «էկոնոմիստների», օպորտունիստների, բուրժուական նացիոնալիստների դեմ, պաշտպանում կուսակցության կազմակերպական լենինյան սկզբունքները, բացառիկ մեծ նշանակություն տալիս մարքսիստական տեսության հարցերին: Նա սկզբից ևեթ հետևողական պայքար ծավալեց դաշնակցության դեմ:

«Պրոլետարիատի» առաջին համարում տպագրվեց «Մանիֆեստ «Հայ սոցիալ-դեմոկրատների միության» ծրագրային առաջնորդողը, որը «Միության» և նրա տպագիր օրգանի կրեդոն էր: «Մեր «Միությունը», — ասված է

20 ՏՃ՝ «Իսկրա», № 32, 35 հունվարի 1903 թ.:

մանիֆեստում», — Ռուսիայի ամեն ժայռերում յուր ցանցերը լայն տարածող «Ռուսիայի սոցիալ-դեմոկրատական բանվորական կուսակցության» ճյուղերից մեկը լինելով, միանգամայն համերաշխ է նրա հետ և նրա հետ միասին կրավելու է հանուն Ռուսիայի պրոլետարիատի շահերի ընդհանրապես և հայկականի՝ մասնավորապես»²¹։

Այնուհետև թերթը շարադրում է «Հայ սոցիալ-դեմոկրատների միության» ծրագրի հիմնական սկզբունքներն ու խնդիրները, պարզաբանում, որ բանվոր դասակարգը սոցիալիստական գիտակցության է զալիս, «սոցիալիզմը ներկայացնում է բանվոր դասակարգի իդեալների մարմնացումը»²², որ հեղափոխական սոցիալ-դեմոկրատիան կոչված է գլխավորելու բանվորական շարժումները, որոնք ուղղված են ցարիզմի դեմ։ Հակառակ բուրժուականների, որոնք դեմ էին մարքսիստական կուսակցության դեմոկրատական ցենտրալիզմի սկզբունքներին, պահանջում էին բանվորներին կազմակերպել ըստ ազգությունների և կուսակցությունն ստեղծել ֆեդերատիվ ձևով։ «Մանիֆեստը» հետևողականորեն պաշտպանում էր կուսակցության լենինյան, ինտերնացիոնալիստական սկզբունքները, դնում բոլոր բանվորներին, անկախ նրանց ազգային պատկանելիությունից, մեկ միասնական համառոտաստանյալ մարքսիստական կուսակցության մեջ միավորելու պահանջը։

«Հայ սոցիալ-դեմոկրատների միության մանիֆեստը», որն ավարտվում է «Պրոլետարներ ամբողջ աշխարհի, միացե՛ք» միջազգային պրոլետարիատի նշանաբանով, պարզաբանում է իր դիրքը միջազգային և մասնավորապես ռուսական սոցիալ-դեմոկրատիայի մեջ եղած ժամանակակից հոսանքների հանդեպ։ «Սոցիալիստական իդեալի իրականացումը, — ասված է «Մանիֆեստի» մեջ, — մեր կարծիքով անհնարին է բանվոր դասակարգի ո՛չ տնտեսական ինքնագործունեությամբ, ո՛չ էլ մասնակի քաղաքական և սոցիալական ռեֆորմներով, այն հնարավոր է միայն գոյություն ունեցող ամբողջ կարգի արմատական հեղափոխման միջոցով, սոցիալական հեղափոխության միջոցով, որի անհրաժեշտ նախնորդանքը պետք է ծառայի պրոլետարիատի քաղաքական իշխանություն ձեռք բերելը»²³։ Սա մարքսիզմի հիմնական բովանդակության՝ պրոլետարիատի ղեկատարության քաղաքարի պաշտպանությունն է, որն այնքան հաջող կերպով «Մանիֆեստում» անց էին կացրել առաջին հայ լենինյանները։ Այնուհետև, մատնանշելով Ռուսաստանում գոյություն ունեցող քաղաքական կարգը, որ թշնամի է ամեն մի հասարակական և մանավանդ բանվորական շարժման, «Միությունը» հայտարարում էր, որ իր մերձավորագույն խնդիրն է՝ հայ պրոլետարիատի քաղաքական դաստիարակությունը և նրան ամբողջ Ռուսաստանի պրոլետարիատի պայքարին մասնակից դարձնելը՝ ցարական ինքնակալությունը տապալելու համար։

Քննադատելով դաշնակցության ծրագիրը, «Պրոլետարիատը» ցույց էր տալիս, որ նրա մեջ «բուրժուական մտքերի ու պահանջների հետ միասին կան

²¹ «Պրոլետարիատ», № 1, 1902, հոկտեմբեր, Թիֆլիս։ Ստ. Ծանույան, Երկեր, հ. 1, էջ 41։

²² Նույն տեղում։

²³ Նույն տեղում։ «Մանիֆեստի» հեղինակները «իշխանություն» բառի տակ հասկանում էին «գիկատարության» վ. Ի. Լենինը «Հայ սոցիալ-դեմոկրատների միության մանիֆեստի մասին» գրած հոդվածում հենց այդպես էլ վարվել է՝ «իշխանություն» բառը թարգմանել է «գիկատարության»։

նույնիսկ քաղվածքներ Մարքսի և էնգելսի «Կոմունիստական մանիֆեստից», Ֆ. էնգելսի «Սոցիալիզմի զարգացումը ուտոպիայից դեպի գիտություն» աշխատությունից, բայց դաշնակցության ծրագրի բովանդակությունը բուրժուական պահանջներն ու գաղափարախոսությունն է, նրա մեջ «սոցիալիզմը մոտենելով ղոնից, վճռվեց պատուհանից»²⁴:

Վ. Ի. Լենինը, որ նախապես իրազեկ էր «Հայ սոցիալ-դեմոկրատների միության» գործունեությանը, արտասահմանում ստանալով «Պրոլետարիատ» թերթը և նրա մասին ռուսերեն գրած տեղեկությունը, որոշեց ունենալ թերթի հիմնական նյութերի լրիվ թարգմանությունը: 1903 թ. հունվարի 23-ին Լոնդոնից նա գրել է Գ. Վ. Պլեխանովին. «Արդեն մի քանի օր է, որ ես այստեղ ստացա հայկական «Պրոլետարիատը», և որի վերնագրում նշված է. «Ռուսաստանի սոցիալ-դեմոկրատական բանվորական կուսակցություն» և մի ձեռագիր (հոգված նրա մասին): Դա արդեն, հավանորեն 33-ի համար է, իսկ ես դեռ չեմ ծանոթացել, Համենայն դեպս չի խանգարի հետաքրքրական բան բերել այնտեղից: Ես Ձեզ կգրեմ ղեռ այդ մասին, կաշխատեմ ղեռնդել 33-ում:

Ուղարկում եմ Ձեզ նաև «Պրոլետարիատը»: Բարի եղբք խնդրեցեք Հալայանցին կամ ուրիշ որևէ մեկին այդտեղից ամբողջապես թարգմանել ամեն ինչ նացիոնալիզմի ու ֆեդերալիզմի մասին և որքան կարելի է շուտափույթ ուղարկել ինձ: Հարկավոր է դրանց մասին անպայման հոգված ղեռնդել (ուղարկված հոգվածը ուղղման կարիք է զգում, իսկ դրա համար հարկավոր է տեքստ)»²⁵, Փետրվարի սկզբին Գ. Պլեխանովը Վ. Ի. Լենինին հայտնում է, որ հայկական «Պրոլետարիատ» թերթի մասին եղած ուրվագիծն իրոք անհաշոգ է, նրա հեղինակը վստահություն չի ներշնչում, որ ինքը կզտեի որևէ մեկին, որը Վ. Ի. Լենինի համար ուրվագիծ կգրի «Պրոլետարիատի» մասին²⁶:

Վ. Ի. Լենինը հատուկ հոգված է գրում «Պրոլետարիատի» մասին, որը տպագրվում է «Իսկրայի» 1903 թ. փետրվարի 1-ի 33-րդ համարում: Վ. Ի. Լենինը նշում է. «Կովկասում երևան է եկել մի նոր սոցիալ-դեմոկրատական կազմակերպություն՝ Հայ սոցիալ-դեմոկրատների միությունը: Այդ միությունը, ինչպես մեզ հայտնի է, ավելի քան կես տարի է, ինչ սկսել է իր պրակտիկ գործունեությունը և արդեն ունի իր օրգանը հայերեն լեզվով»²⁷:

Վ. Ի. Լենինը քննարկելով «Պրոլետարիատի» առաջին համարի նյութերը և «Միության» «Մանիֆեստը», ընդգծում է, որ առանձնապես հետաքրքրական է միության վերաբերմունքն ազգային հարցի նկատմամբ: «Մանիֆեստի» հեղինակները, հենվելով պատմական փաստերի վրա, անհրաժեշտ են համարում ֆեդերատիվ հանրապետության հիմնումն ապագա Ռուսաստանում, ընդունում են բոլոր ազգերի ազատ ինքնորոշման իրավունքը: Մենք ամբողջ հոգով ողջունում ենք Հայ սոցիալ-դեմոկրատների միության՝ մանիֆեստը, — գրել է Վ. Ի. Լենինը, — և մանավանդ ազգային հարցի ճիշտ զրկվածը տալու նրա հիանալի փորձը: Խիստ ցանկալի կլինեն, որ այդ փորձը հասցվի մինչև վերջը: Երկու հիմնական սկզբունք, որոնցով պետք է ղեկավարվեն Ռուսաս-

²⁴ «Պրոլետարիատ», № 1, 1902:

²⁵ IV «Ленинский сборник», стр. 207—208.

²⁶ Տե՛ս նույն տեղում, էջ 211—212:

²⁷ Վ. Ի. Լենին, ՆժԺ, հ. 7, էջ 129:

տանի բոլոր սոցիալ-դեմոկրատներն ազգային հարցում, միությունը միանգամայն ճիշտ է նշել»²⁸։

«Իսկրայի» այն համարը, ուր ղեկնեղվել էր Վ. Ի. Լենինի «Հայ սոցիալ-դեմոկրատների միության մանիֆեստի մասին» հոդվածը, 1903 թ. մարտ ամսին ստացվում է Երևանում²⁹։ Այդ հոդվածը և ընդհանրապես «Հայ սոցիալ-դեմոկրատների միության» և նրա «Մանիֆեստի» լենինյան գնահատականը մեծ դեր խաղացին Անդրկովկասի սոցիալ-դեմոկրատական կազմակերպությունների ամրապնդման, երկրամասի աշխատավորության ինտերնացիոնալ դաստիարակության գործում։ Միևնույն ժամանակ դա ակնառու կերպով ցույց է տալիս, որ Վ. Ի. Լենինն անխնջ հոգատարությամբ հետևում էր Անդրկովկասի սոցիալ-դեմոկրատական կազմակերպությունների ձևավորմանն ու ամրապնդմանը։

«Պրոլետարիատի» հրատարակությամբ հիմք դրվեց մարքսիստական-բոլշևիկյան հայ պարբերական մամուլին, «Հայ սոցիալ-դեմոկրատների միության» և նրա տպագիր օրգանի «Պրոլետարիատի» ստեղծումով նշանավորվեց հայ հասարակական-քաղաքական կյանքի ու մտքի զարգացման շրջադարձը։

Անդրկովկասի հեղափոխական ուժերի ու սոցիալ-դեմոկրատական կազմակերպությունների համախմբման և Ռուսաստանում մարքսիստական միասնական կուսակցության ստեղծման լենինյան պլանի իրականացման համար մղված պայքարում աչքի ընկնող դեր խաղաց ՌՄԴԲԿ Կովկասյան միությունը։ 1902 թ. վերջերից ՌՄԴԲԿ Թիֆլիսի, Բարվի, Բաթումի կոմիտեների նախաձեռնությամբ բեղմնավոր աշխատանք ծավալվեց Կովկասի լենինյան-իսկրայականների համագումարը նախապատրաստելու ուղղությամբ։ 1903 թ. հունվարին Բարվի և Թիֆլիսի կոմիտեների ներկայացուցիչները «Բրձոլային» և «Պրոլետարիատին» առընթեր հիմնում են Կովկասյան սոցիալ-դեմոկրատական բանվորական կազմակերպությունների ներկայացուցիչների I համագումարի հրավիրման բյուրոն³⁰։

1903 թ. մարտի կեսերին Թիֆլիսում տեղի ունեցավ Կովկասի սոցիալ-դեմոկրատական կազմակերպությունների առաջին համագումարը։ Համագումարին մասնակցում էր 15 պատգամավոր ՌՄԴԲԿ Թիֆլիսի, Բարվի, Բաթումի կոմիտեներից, Փութայի, Գուրիայի, Ճիսկուրայի, Գորիի լենինյան-իսկրայական սոցիալ-դեմոկրատական խմբերից, «Բրձոլա» և «Պրոլետարիատ» թերթերի խմբագրություններից։ «Հայ սոցիալ-դեմոկրատների միությունը» մասնակցում էր Թիֆլիսի կոմիտեի և «Պրոլետարիատի» միջոցով։ Համագումարը հավանություն տվեց «Իսկրայի» հրատարակած ՌՄԴԲԿ ծրագրի նախագծին, հիմք դրեց Կովկասյան սոցիալ-դեմոկրատական կազմակերպությունների միասնական ղեկավար օրգանին՝ ՌՄԴԲԿ Կովկասյան միությանը, ջախջախել հարվածներ հասցրեց վրաց սոցիալ-դեմոկրատիայի օպորտունիստական թևի պարագլուխ Ն. Ժորդանիային ու նրա կողմնակիցներին և զրանով իսկ ապահովեց մարքսիստական միասնական կուսակցության ստեղծ-

28 Վ. Ի. Լենին, ԵԺ, հ. 7, էջ 132։

29 ՏՃ՝ ՆՍՍՀ ՊԳՊԱ, ք. 122, գ. 3, ք. 69։

30 ՏՃ՝ «Третий съезд РСДРП. Протоколы», М., 1959, стр. 606—610, ՌՄԴԲԿ III համագումարին Մ. Ֆրակայի ներկայացրած ղեկուցումը՝ Կովկասյան միության 1903—1905 թթ. գործունեության մասին։

ման լենինյան սկզբունքների հաղթանակը Կովկասում Ն. Ժորդանիան և Նրա համախոհները հատկապես ազմուկ բարձրացրին Կովկասյան միության ստեղծման հարցում։ Նրանք պահանջում էին, որ տեղական սոցիալ-դեմոկրատական կազմակերպություններն աշխատեն մեկը մյուսից անկախ։ Համագումարը զրլխավոր հարցը լուծեց լենինաբար, մերժեց օպորտունիստների պահանջը և ձայների բացարձակ մեծամասնությամբ որոշեց ստեղծել ՌՄԴԲԿ Կովկասյան միություն, Համագումարը որոշեց նաև վրացական «Բրժոլա» և հայկական «Պրոլետարիատ» թերթերը միավորել և որպես ՌՄԴԲԿ Կովկասյան միության տպագիր օրգան հրատարակել երեք լեզվով. հայերեն՝ «Պրոլետարիատի կոմիլը», վրացերեն՝ «Պրոլետարիատի բրժոլա» և ռուսերեն՝ «Բորբա պրոլետարիատ»։

Համագումարը հավանություն տվեց Կովկասից ՌՄԴԲԿ II համագումարին պատգամավորներ ուղարկելուն։ Բաքվի կոմիտեից ընտրվել էր Բ. Կոունյանցը, Բաթումի կոմիտեից՝ Ա. Զուրաբյանը, իսկ Թիֆլիսի կոմիտեից՝ Դ. Քոփուրիձեն, որոնք ունեին երկուական վճռական ձայն։ Պատգամավորների արտասահման մեկնելու գործի կազմակերպմանը միութենական կոմիտեի ցուցումներով օգնեց Կամոն՝ Սիմոն Տեր-Պետրոսյանը։ I համագումարը Կովկասի պատգամավորներին նակազ տվեց ՌՄԴԲԿ II համագումարում աջակցել և օգնել վ. Ի. Լենինին՝ հետևողականորեն պաշտպանել մարքսիստական կուսակցության ստեղծման լենինյան պլանը, «Իսկրայի» ծրագրային, տակտիկական և կազմակերպական սկզբունքները։

Կովկասի լենինյան-իսկրայականների հիմնադիր համագումարը ընտրեց ինը մարդուց բաղկացած ՌՄԴԲԿ Կովկասյան միութենական կոմիտե, վճռեց ծավալել կուսակցական-հրատարակչական գործը, լայնորեն նախապատրաստվել 1903 թ. մայիսմեկյան տոնակատարությանը, ուժեղացնել քաղաքական-մասնայական աշխատանքը։ Համագումարի և ապա Կովկասյան միության ամբողջ աշխատանքն ընթանում էր պրոլետարական ինտերնացիոնալիզմի նշանաբանով։

ՌՄԴԲԿ Կովկասյան միությունը 1903 թ. ապրիլին նախապատրաստեց և հաստատեց Կովկասյան միության ծրագիրը, որի հիմքում դրված էր «Իսկրա» թերթում և «Ջարյա» ամսագրում հրապարակված ՌՄԴԲԿ ծրագրի նախագիծը, հրատարակեց հեղափոխական թուցիկներ՝ ուղղված հատկապես Գուրիայի գյուղացիությանը։ 1903 թ. մայիսին Կովկասյան միությունը անցկացրեց ՌՄԴԲԿ Քուիսիայի կազմակերպության կոնֆերանս, որն ընտրեց Քուիսիայի կոմիտե, պատրաստեց պրոպագանդիստական կադրեր, որոնք քաղաքական աշխատանք էին կատարում երկրամասի բանվորական կենտրոններում։ Կովկասյան միությունն իր ղեկավարման ոլորտի մեջ առավ նաև Հայաստանի սոցիալ-դեմոկրատական կազմակերպությունները, հեղափոխական շարժումների քաղաքական ղեկավարությունը։ 1903 թ. վերջերին Կովկասյան միությունը կազմակերպեց Հավաքարի ընդհատակյա տպարանը, որը գործեց մինչև 1906 թ. ապրիլի 15-ը։

ՌՄԴԲԿ Կովկասյան միության III համագումարից հետո (1904 թ. մայիս) ավելի ուժեղացվեց հրատարակչական գործը։ «Պրոլետարիատի կոմիլը» թերթի հետ միասին հրատարակվում էին նաև ինքնուրույն և թարգմանական բրոշյուրներ։ Հայերեն խմբագրությունը կատարում էին Ստ. Շահումյանը, Բ. Կոունյանցը, Գ. Ղարաբյանը, Ս. Խանոյանը, տպագրական աշխատանքին

մասնակցում էր Տիգրան Վախթանգովը, իսկ հրատարակությունները ընդհատակյա պայմաններում տարածում էին Կամոն, Մարտիրոս Միրաքյանը (Շանթ, բանվոր Շանթ) և ուրիշներ:

ՌՍԴԲԿ Կովկասյան միութենական կոմիտեում աարբեր ժամանակ ընտրվել են Բ. Կնունյանցը, Ստ. Շահումյանը, Ա. Զուրաբյանը, Ն. Աղաջանյանը, Ա. Խումարյանը, Ս. Խանոյանը և ուրիշներ: Նրանց ջանքերով լայն թափ հաղորդվեց հայերեն մաթեմատիկական գրականության հրատարակությանը: Միայն 1903 թ. նոյեմբերից մինչև 1904 թ. մայիսը միութենական կոմիտեն հրատարակել է «Պրոլետարիատի կոմի» թերթիկի» 3, 4, 5, 6, 7 և 8 համարները ուսերեն, հայերեն և վրացերեն: Այդ նույն ժամանակ լույս են տեսել 6000 օրինակ բրոշյուր և 149 հազար օրինակ թուղթիկներ, որոնց մեծ մասը տպագրվել է Հավլաբարի ընդհատակյա տպարանում³¹:

Հավլաբարի գաղտնի տպարանը հետագայում դարձավ Անդրկովկասի բոլշևիկյան կազմակերպությունների ընդհատակյա տարիների պոլիգրաֆիական հիմնական բազաներից մեկը, տալով կուսակցական կոնսպիրատիվ տեխնիկայի լավագույն օրինակ: Այն համասարապես սպասարկում էր Հայաստանի, Վրաստանի և Ադրբեջանի կուսակցական կազմակերպություններին:

1903 թ. ապրիլ-մայիս ամիսներին Բաքվի «Նիհա» տպարանում լույս տեսավ Կովկասյան միության գլխավոր օրգանի՝ «Պրոլետարիատի կոմի» թերթի № 2—3 միացյալ համարը (վրացերեն «Պրոլետարիատի բրձոյա», 5—6 համարը): Որպես թերթի հավելված սկսեց հրատարակվել նաև «Պրոլետարիատի կոմի» թերթիկը:

«Պրոլետարիատի կոմի» թերթի երևան գալը մեծ իրադարձություն էր Անդրկովկասի հեղափոխական շարժումների և սոցիալ-դեմոկրատական կազմակերպությունների կյանքում, երկրամասի աշխատավորության ինտերնացիոնալ դաստիարակության և համախմբվածության համար մղված պայքարի պատմության մեջ:

«Պրոլետարիատի կոմի» թերթի առաջին համարում զետեղված մի շարք հոդվածներում, հատկապես «Մեր պատասխանը» հոդվածում, որը գրված էր «Պրոլետարիատի» խմբագրությանն ուղղված մի նամակի առիթով³², թերթը մերկացնում էր բուրժուանացիոնալիստական կուսակցություններին, առանձնապես դաշնակցությանը:

Իր «Նամակում» արժարժեկով Արևմտյան Հայաստանում թուրքական լծի տակ հեծող հայ ժողովրդի ծավալած ազգային-ազատագրական շարժումները հեղինակը նշում էր, որ «ոչ մի մարդասեր, ոչ մի իսկական սոցիալիստ երբեք չի կարող անտարբերությամբ տանել այն բոլոր գաղաղությունները, որոնք ստակալի թափով տեղի են ունենում այն երկրում, որը Թուրքաց Հայաստան է կոչվում»: Նա գտնում է, որ «չի կարող սոցիալիզմը գոյություն ունենալ այն երկրում, ուր մարդը հեծում է քաղաքական անտրամալ կարգերի տակ, ուր գոյություն չունի ոչ կայքի, ոչ դուրքի, ոչ անհատականության քիչ թե շատ ապահովություն ու ազատություն»³³:

Թերթը հրատարակելով այդ «Նամակը», «Մեր պատասխանը» հոդվա-

31. Տե՛ս «Второй съезд РСДРП», М., 1955.

32. Նամակի տակ ստորագրված է «Ալ»: Գա Այ. Թուրքեստ: ծածկանունն է:

33. «Պրոլետարիատի կոմի», № 2—3, 1903.

ծում³⁴ բաժանում է վերոհիշյալ մտքերը և միաժամանակ ընդգծում, որ շի կարելի անգիտանալ արևմտահայերի ազատագրման գործում հայ բոլշևիկների բռնած ճիշտ դիրքը: Հոգվածում ցույց է տրվում, որ շինծու է այն միտքը, թե իբրե մարքսիստները կոխվ են հայտարարում «բազմաշարժար տանկահայ ժողովրդի ազատության համար մղվող կռիվն»:

Հայ մարքսիստներն սկզբից ևեթ մտահոգվել են արևմտահայերի բախտով «Ուղարկելով Տանկաստանում կռվող եղբայրներին մեր սոցիալիստական ողջույնը,— գրում էր թերթը,— մենք բացարձակ կերպով հայտարարում ենք մեր համակրությունը բազմաշարժար տանկահայ ժողովրդի ազատաբար գործին և մեր անկեղծ ցանկությունն է, որ ազատությունը հասնի որքան կարելի է շուտ»³⁵:

ՌՍԴԲԿ Թիֆլիսի, Բաքվի, Բաթումի կոմիտեների, Կովկասյան միության տեղական լենինյան-իսկրայական կազմակերպությունների և խմբերի կազմում գործում էին տարբեր ազգերի բանվորական շարժման ակտիվ գործիչներ, հավատարիմ լենինյաններ, որոնց հայացքներն ու գործունեությունը խաբլըսված էին հեղափոխական մարքսիզմի հզոր տեսության, պրոլետարական ինտերնացիոնալիզմի վրա: Նրանք իրենց ինտերնացիոնալ պրոպագանդայով և ագիտացիայով հաղթահարում էին ազգային մեկուսացման և օտարացման արգելքները, նպաստում դարերի ի վեր կողք-կողքի ապրող ժողովուրդների մերձեցմանը, աշխատավորների դասակարգային ինքնագիտակցության հասունացմանը: Բոլոր հուզող հարցերի մասին թուղիկներն ու կոչերը հրատարակվում էին ռուսերեն, հայերեն, վրացերեն, ադրբեջաներեն և այլ լեզուներով: «Ռուսը տարածում և փակցնում էր հայկական և վրացական պրոկլամացիաներ,— գրում էր լենինյան «Իսկրան»,— հայ բանվորն ագիտացիա էր մղում թաթարների մեջ, վրացի դրաշարը տպագրում էր ռուսական թուղիկներ և նրանք բոլորը միասին, համատեղ, մշակում էին ցույցերի, գործադուլների, կազմակերպական ժողովների գործողությունների պլանը»³⁶: Այս բոլորի շնորհիվ կոխվում էր Անդրկովկասի ժողովուրդների բարեկամությունը, երկրամասի պրոլետարիատը հանդես էր գալիս որպես մի միասնական ուժ: Դա միակ ճիշտ տակտիկան էր, որ վարում էին երկրամասի լենինյանները: «Միայն կազմակերպվելով որպես միասնական, լրիվ ինքնուրույն կուսակցություն առանց ազդությունների խտրության,— 1903 թ. գրել է Բ. Կնունյանցը,— Ռուսաստանի պրոլետարիատը կարող է դառնալ այն հզոր քաղաքական ուժը, որն ընդունակ կլինի դառնալու երկրի բոլոր հեղափոխական ուժերի իսկական ավանգարդը և վերջնականապես ջախջախելու ինքնակալությունը»³⁷:

2. ԲԱՆՎՈՐԱԿԱՆ ԵՎ ԳՅՈՒՂԱՑԻԱԿԱՆ ՀԱՐԺՈՒՄՆԵՐԸ

1900—1903 թթ. ծավալված համաշխարհային տնտեսական ճգնաժամն էլ ավելի սրեց հակասությունները երկրում: Կապիտալիզմը իմպերիալիզմի դարաշրջանում դառնում էր ավելի գիշատիչ: Աճում էին մոնոպոլիստական միավորումները: Իրար ետևից անհետանում էին մասեր ու միջին ձեռնարկու-

34 «Մեր պատասխանը» հոգվածի հեղինակը Բ. Կնունյանցն է:

35 «Պրոլետարիատի կոխիլը», № 2—3, 1903:

36 «Искра», № 51, 22 октября 1903 г.

37 Նույն տեղում: